

379/-
23

B O S N A I H E R C E G O V I N A
F E D E R A C I J A B i H
Z E N I Č K O - D O B O J S K I K A N T O N
G R A D Z E N I C A

Služba za socijalnu zaštitu, stambene poslove i društvene djelatnosti

Broj: 07-45-8127/23

Zenica: 29.05.2023. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JU „Dom zdravlja“ Zenica za 2022. godinu
- dostavlja se;

JU „Dom zdravlja“ Zenica je zdravstvena ustanova, koja je na području grada Zenica započela sa radom 1952. godine. Dom zdravlja je nosilac sprovođenja primarne zdravstvene zaštite na području grada Zenice.

Izvještaj o radu Dom zdravlja za 2022. godinu, urađen je na bazi pokazatelja ostvarenih u 2022. godini prema realizovanim prihodima i rashodima. Obrazloženja data u Izvještaju o radu bazirana su na uporednim posmatranjima pokazatelja ostvarenih u 2021. i 2022. godini, a podaci o zaposlenima i bilans stanja i uspjeha odnose se na podatke na dan 31.12.2022. godine

Dom zdravlja obavlja svoju djelatnost, posredstvom 14 službi. U Službi za zdravstvenu zaštitu djece organizovan je rad Centra za rani rast i razvoj i Centra za imunizaciju.

Poslovnu 2022. godinu obilježila je borba protiv Covid-a 19. Dom zdravlja je organizovao rad Covid Ambulante, te je intenzivno sprovodio i vakcinaciju građana protiv Covid-a 19. U Covid ambulanti u 2022. godini pregledano je 2041 lice, obavljene su 2431 intervencije.

U 2022. godini sprovedene su aktivnosti na vakcinaciji protiv Covid-a 19. U protekloj godini dato je ukupno 7754 doza vakcina.

Služba hitne medicinske pomoći je u poslovnoj 2022. godini obavila 25.095 pregleda pacijenata.

Dom zdravlja je u 2022. godini, na ime unapređenja procesa rada i povećanja kvalitete zdravstvenih usluga, uspostavio i realizovao sljedeće:

- nastavljene su aktivnosti Doma zdravlja u saradnji s Gradom Zenica na izgradnji novog zdravstvenog objekta, za potrebe Službe hitne medicinske pomoći, Službe za laboratorijsku dijagnostiku i Službe za zdravstvenu zaštitu kod specifičnih i nespecifičnih plućnih oboljenja.
- U skladu sa Sporazumom o zajedničkom učesću u realizaciji projekta izgradnje Društenog doma Lukovo polje zaključenog sa Gradom Zenica, u naselju Lukovo polje izgrađen je novi objekat ukupne površine od 338,20 m². U okviru novoizgrađenog objekta uspostavljena je Ambulanta porodične medicine Lukovo polje.
- Dom zdravlja je u protekloj godini sproveo adaptaciju Ambulante porodične medicine Jalija.
- U poslovnoj 2022. godini, Dom zdravlja je pokrenuo i adaptaciju Ambulante porodične medicine Travnička, koja je završena u mjesecu januaru 2023. godine.

Kada se tiče zaposlenih, broj zaposlenih medicinskih radnika je 402, dok je broj zaposlenih nemedicinskih radnika 77. U 2022. godini jedan doktor medicine završio je specijalizaciju iz ginekologije i opstetricije, jedan doktor medicine završio je specijalizaciju iz ordoncije i jedan doktor stomatologije iz dječije i preventivne stomatologije.

Dom zdravlja Zenica je u 2022. godini ostvario **višak prihoda** u iznosu od 1.282.241,00 KM, što je za 330,95% više u odnosu na ostvareni višak prihoda za 2021. godinu.

Ukupni prihodi iznosili su 21.938.005,00 KM i za 11,54% su veći od prihoda ostvarenih u istom periodu prošle godine. Ukupni rashodi su povećani za 7,13% i iznosili su 20.655.764,00 KM.

Najveći dio prihoda Ustanova ostvaruje po osnovu Ugovora o međusobnim odnosima o pružanju zdravstvene zaštite zaključenog sa Kantonalnim Zavodom zdravstvenog osiguranja.

Za obavljanje djelatnosti primarne i konsultativno-specijalističke zdravstvene zaštite za stanovništvo grada Zenice, Dom zdravlja koristi oko 10.000 m² prostora. Sve ambulate koje su u funkciji obuhvaćene su Mrežom objekata porodične medicine. Vrijednost objekata iznosila je 7.3666.168,00 KM, što je za 7% više u odnosu na prethodni period.

Rad Doma zdravlja u organizacionom smislu, odvijao se na način kako je to i bilo regulisano planovima i programima rada, te u skladu sa finansijskim i drugim mogućnostima i postojećim uslovima.

U radu direktora ostvarena je komunikacija i saradnja s Upravnim odborom, Stručnim vijećem, Sindikatom i drugim nadležnim organima.

Upravni odbor smatra da je Dom zdravlja u 2022. godini uspješno poslovao u svim segmentima poslovanja. Stoga je Upravni odbor ocijenio pozitivnim rad direktora. Upravni odbor ocjenjuje pozitivnim rad direktora, sa aspekta ostvarenih dogovorenih zadataka, namjenske upotrebe javnih sredstava, poboljšanju kvalitete u radu, discipline, organizacije i ukupnog kvaliteta zdravstvenih usluga.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Dom zdravlja Zenica“ za 2022. godinu na razmatranje.

PRILOZI:

1. Izvještaj o radu JU „Dom zdravlja“ Zenica za 2022. godinu ;
2. Nezavisno revizorsko mišljenje i finansijski izvještaji za 2022. godinu;
3. Odluka o usvajanju Izvještaja o radu JU „Dom zdravlja“ Zenica za 2022. godinu.

DOSTAVLJENO:

- 1 x Naslov
- 1 x a/a

